

## **Tej Lus Uas Xav Nug Txog Tus Neeg Sawv Cev Txiavtxim Siab txog Nyiaj Txiag**

### **Frequently Asked Questions About Conservatorship**

**Ib Tsab Ntawv tawm los ntawm MAGiC:** Ib lub Koomhaum uas Khiav Txog Txoj Kev Ua Sawv Cev Pab Txiavtxim Siab

#### **Tus Neeg Sawv Cev Txiavtxim Siab Txog Nyiaj Txiag yog li cas?**

Tus neeg Sawv Cev Txiavtxim Siab txog Nyiaj Txiag yog tus neeg uas tau kev tso cai raws li kev cai lijchoj pom zoo los ntawm rooj txiavtxim plaub ntug los tswjhwm xyuas nyiaj txiag rau tus neeg uas nws tsis muaj cuabkav txiavtxim siab tau rau nws tuskheej txog nyiaj txiag. Tus neeg uas muaj kev tivthaiv yog tus neeg uas muaj tus Sawv Cev Txiavtxim Siab txog Nyiaj Txiag. Rooj txiavtxim plaub ntug tsa tus neeg sawv cev txiavtxim siab txog nyiaj txiag thaum pom tau tias ib tus neeg twg tsis muaj cuabkav tswjhwm tau nws li nyiaj txiag vim nws muaj kev mobnkeeg xws li kev tsuam qauj lossis tsi meej pem, tsis muaj kev nco qab zoo, tsoo hlwb taubhau lossis muaj xajdlauj (stroke). Rooj txiavtxim plaub ntug tsa muaj tus neeg txiavtxim siab tog nyiaj txiag thaum muaj kev them nqi rau kev tu tus neeg, los tswjhwm nyiaj txiag lossis tej nyiaj uas luas nyiaj lawm thiab thaum tsis muaj lwm txog kev losis lwm tus neeg uas yuav pab tau ruas yog yuavtsum uaj tus neeg sawv cev txiavtxim siab txog nyiaj txiag thiaj pab tau.

Tus neeg sawv cev txiavtxim siab txog nyiaj txiag ua haujlwm yam li yog tus sawv cev rau rooj txiavtxim plaub ntug. Tus neeg txiavtxim siab txog nyiaj txiag muaj lub meej mom ua tu lav saib xyuas thiab tswjhwm tus neeg muaj kev tivthaiv tej vajtse thiab nyiaj txiag thiab muaj feem lav rau ntawm rooj txiavtxim plaub ntug txog kev tswjhwm tej nyiaj txiag thiab vajtse.

#### **Leej twg thiaj ua tau tus sawv cev txiavtxim siab txog nyiaj txiag?**

Txawm tias txoj cai tsim muaj tias leej twg thiaj ua tau, rooj txiavtxim plaub ntug yuav xyuas seb tus twg thiaj yuav ua tau tus neeg sawv cev txiavtxim siab txog nyiaj txiag uas yuav pab tau tus neeg muaj kev tivthaiv. Tug neeg sawv cev txiavtxim siab txog nyiaj txiag yuav yog ib tus neeg hauv tsev neeg, phoojywg, lwm tus uas muaj kev txawj ntse, ib lub lagluam, koomhaum pab neeg lossis tej koomhaum lag luas xws li lub txhab nyiaj.

Lawv li txoj cai, tus neeg sawv cev txiavtxim siab txog nyiaj txiag yuav tau ua tsab ntawv tshawb xyuas nws keebkwm plaub ntug thiab kev tu neeg seb puas zoo, ntxiv rau lwm yam. Tsis tag li, nws keebkwm klibdij (credit history) yuavtsum zoo txaus thiaj ua tau, lossis thiaj tso tau nyiaj ua chaw tuav cia (bond).

#### **Tus neeg sawv cev txiavtxim siab txog nyiaj txiag muaj cai li cas thiab dejnum yog li cas?**

Tus neeg sawv cev txiavtxim siab txog nyiaj txiag ruas muaj cai thiab ua tau dejnum li uas rooj txiavtxim plaub ntug pom zoo. Tus neeg muaj kev tivthaiv muaj cai txhua yam uas tsis tau kev tso cai los ntawm rooj txiavtxim plaub ntug rau tus neeg sawv cev txiavtxim saib txog nyiaj txiag. Tus sawv cev yuavtsum tshawb xyuas seb rooj txiavtxim plaub ntug tso cai rau nws txij li cas. Tej zaum tus sawv cev kuj tau kev tso cai lossis tsis tau kev tso cai tshaj tus neeg muaj kev tivthaiv xws li: them nuj nqi rau kev tu lossis kev pabcuam rau tus muaj kev tivthaiv lossis nws cov mesnyuam; los tswjhwm hlo tej nyiaj txiag ntawm lub cuabtiam (financial estate); txais thiab tswjhwm nyiaj txiag; them nuj nqi; pom zoo rau kev sibcog lus ua ib yam dabtsis, thov nyiaj pab ntawm tsoomfwv, thim cai tsis yuav tus kws lijchoj lossis xuum kev pom zoo txog kev siv nyiaj -- ua ntej uas tsa muaj tus sawv cev txiavtxim siab txog nyiaj txiag. Ntxiv mus, tej zaum rooj txiavtxim plaub ntug kuj tso cai kom tus sawv cev muag tau

vajtsev, ua plaub foob lwm tus lossis nrhiav kev tswjhwm pabcuam rau tej nyiaj txiag thiab vajtse rau tus neeg muaj kev tivthaiv.

**Kev tsa tus sawv cev txiavtxim siab txog nyiaj txiag yog tsa li cas?**

Txhua tus neeg uas muaj siab movtshua txog, tsis hais ib tus twg nyob hauv tsev neeg lossis phoojywg, muaj cuabkav hais koj rooj txiavtxim plaub ntug tsa muaj tus sawv cev txiavtxim siab txog nyiaj txiag. Rooj txiavtxim plaub ntug li teem cai tuaj hais thiab xa ntawv mus qhia rau tus neeg muaj kev tivthaiv thiab cov neeg uas muaj siab movtshua txog tus neeg muaj kev tivthaiv. Rooj txiavtxim plaub ntug yuav tsa muaj tus kws lijchoj los sawv cev hais rau tus neej muaj kev tivthaiv thaum tuaj sibhais. Thaum los sibhais, yuavtsum muaj povthawj qhia tau tias tsimnyog yuav tsa muaj tus neeg sawv cev txiavtxim siab txog nyiaj txiag. Qhov no yuav siv sijhawm li ob peb lub hlis mam li tiav.

**Leej tws them nyiaj ua nqi rau kev tsa muaj tus neeg sawv cev txiavtxim siab txog nyiaj txiag?**

Nqi rooj txiavtxim plaub ntug, nqi kws lijchoj rau tus tuaj hais thiab tus kws lichoj rau tus neeg muaj kev tivthaiv, thiab tej nqi them rau tus neeg sawv cev txiavtxim siab tag nrho yog los ntawm tus neeg muaj kev tivthaiv lub cuabtiam. Cov neeg ua tus sawv cev muaj cai kom them nqi rau lawv tej kev pab. Thaum tus neeg muaj kev tivthaiv tsis muaj nyiaj los them nqi rau tus sawv cev tej kev pab lawm, ces feem ntau nws kuj tsis tag muaj tus sawv cev lawm vim tsis muaj nyiaj uas yuav tau saib xyuas thiab tus neeg muaj kev tivthaiv tej nyiaj los kuj yuav muaj lwm txoj kev los pab tswjhwm tau uas yoojyim dua.

**Muaj kev tivthaiv tau li cas thaum muaj tus los sawv cev txiavtxim siab rau nyiaj txiag?**

Tus sawv cev txiavtxim siab txog nyiaj txiag muaj kev saib xyuas los ntawm rooj txivtxim plaub ntug. Thaum tsa tau lawm, tus sawv cev yuavtsum ua ib daim ntawv khaw cia rau hauv rooj txiavtxim plaub ntus txog txhua yam khoom thiab nyiaj txiag ntawm tus neeg muaj kev tivthaiv lub neej tagnrho. Txhua xyoo tomqab, tus sawv cev yuavtsum tau ua ntawv qhia rau rooj txiavtxim plaub ntug uas yog sau tag nrho tej nyiaj ua tau los rau lub cuab tiam thiab tej nyiaj tagnrho ua siv los them nuj nqi ntawm lub cuab tiam. Ntaub ntawv ua povthawj qhia tias tej khoom thiab nyiaj muaj li cas thiab muab siv mus li cas los yuav tau ua qhia tibsib. Rooj txiavtxim plaub ntug li mam tshawb xyuas seb puas muaj tseeb li ua ntawv qhia tiag. Ntej ntej ib zaug, tus sawv cev yuav tau tuaj sawv tim ntse tim muag rooj txiavtxim plaub ntug thiab qhia txog tej ntaub ntawv nws uas hais txog nyiaj txiag. Tej ntaub ntawv no pejxeem sawvdaws pom tau. Yog leej twg uas movtshua xav pom no los tshawb xyuas tau tibyam nkaus. Yog muaj kev nhyav siab li cas txog tus sawv cev kev ua dej num, hais rau lub rooj txiavtxim plaub ntug uas tsa tus sawv cev, lossis ua ntawv tsaus siab xa mus rau hauv khaubtis chaw ua haujlwm tivthaiv cov neeg laus uas hu ua Adult Protection. Tau yog tias muaj kev saib xyuas tsis zoo lossis tubsab, muaj cai ua ntawv kom tsho tus sawv cev li nyiaj tuav cia (bond) los them.

**Puas muaj lwm txoj kev uas tsis tag yuav muaj kev tsa tus sawv cev txiavtxim siab txog nyiaj txiag?**

Ib tus pab uas cia siab tau nyob ntawm tsev neeg lossis phoojywg, daim ntawv kws lijchoj tso cai, tus neeg/lub koomhaum uas tau kev tso cai, tus neeg uas tsoomhwm pab nyiaj tso cai rau, them nqi austusmastiv lossis tej kev pab los ntawm txhab nyiaj, thiab tus ua npe lav txais nyiaj xossaas, nyiaj ua qub tubrog, nyiaj so ua kev ciav hlaus – tej no tagnrho yuav siv tau los pab kom tsis tag muaj tus neeg sawv cev txiavtxim siab txog nyiaj txiag. Nyob koj lub khaubtis tej zaum kuj yuav muaj lwm txog kev pab tswjhwm nyiaj txiag rau cov neeg uas tau nyiaj tsawg.

**Nhiav Kev Kom Totaub Txoj Cai Meej**

Minesxaustas lub koomhaum kev koomteg ntawm cov neeg sawv cev txiavtxim siab uas hu ua The Minnesota Association for Guardianship and Conservatorship (MAGiC) tau npaj muaj tsab ntawv no ua lub homphiaj los qhia dav dav xwb. Tsab ntawv no tsis yog los hloov tswvyim ntawm tus kws lijchoj thiab tsi pub siv mus li ntawd. Koj yuavtsum tau tivtauj ib tus kws lijchoj los tham txog yam kev cai uas koj muaj teebmeem txog.

Minnesota Association for Guardianship & Conservatorship  
[www.minnesotaguardianship.org](http://www.minnesotaguardianship.org)